

EKONOMSKO SOCIJALNO VIJEĆE ZA TERITORIJU  
FEDERACIJE BOSNE I HERCEGOVINE

**IZVJEŠTAJ O RADU  
EKONOMSKO-SOCIJALNOG VIJEĆA ZA TERITORIJU FEDERACIJE BIH  
ZA 2016. GODINU**

Sarajevo, januar 2016. godine

# IZVJEŠTAJ O RADU EKONOMSKO-SOCIJALNOG VIJEĆA ZA TERITORIJU FEDERACIJE BIH ZA 2016. GODINU

## **1. Broj održanih sjednica**

Ekonomsko-socijalno vijeće za teritoriju Federacije BiH u 2016. godini, održalo je ukupno 10 redovnih sjednica uz 2 sjednice koje su bile nastavak već započetih sjednica, 5 vanrednih sjednica, kao i 10 kolegija.

## **2. Broj tačaka dnevnog reda**

Tokom 2016. godine, razmatrano je ukupno 49. tačaka dnevnog reda.

## **3. Pregled tačaka dnevnog reda**

Na sjednicama ESV-a razmatrani su: zakoni, kolektivni ugovori i drugi akti (pravilnici, informacije, izvještaji i dr.).

### **3.1. Zakoni**

1. Prednacrt Zakona o penzijskom i invalidskom osiguranju (sa posebnim osvrtom na osnove za izračun penzija i međuzavisnost drugih zakona na navedeni Zakon);
2. Prednacrt zakona o preuzimanju finansiranja neizmirenih doprinosa za penzijsko i invalidsko osiguranje za osiguranike zaposlene u privrednim društvima sa većinskim državnim kapitalom, javnim preduzećima i ustanovama u Federaciji BiH u periodu 01.04.1992. – 31.12.2014 godine;
3. Nacrt zakona o sigurnosti i zdravlju na radu;
4. Prednacrt zakona o šumama;
5. Nacrt zakona o izmjenama i dopunama Zakona o upravljanju otpadom;
6. Prednacrt zakona o šumama;
7. Prednacrt Zakona o preuzimanju finansiranja neizmirenih doprinosa za penzijsko i invalidsko osiguranje sa pripremljenom simulacijom;
8. Prednacrt Zakona o stečaju;
9. Nacrt Zakona o penzijskom i invalidskom osiguranju;
10. Nacrt Zakona o izmjenama i dopunama Zakona o radu;
11. Prednacrt Zakona o štrajku;
12. Radna verzija teksta Zakona o porezu na dohodak;
13. Radna verzija teksta Zakona o doprinosima;
14. Izmjene i dopune Zakona o porezu na dohodak;
15. Izmjene i dopune Zakona o doprinosima;

16. Nacrt Zakona o izmjenama i dopunama Zakona o radu.

### **3.2. Kolektivni ugovori**

1. Razmatranje Općeg kolektivnog ugovora za teritoriju Federacije BiH (parafiranje)
2. Razmatranje dinamike pregovora i potpisivanja granskih kolektivnih ugovora;
3. Informacije vezane za Opći kolektivni ugovor;
4. Dogovor oko donošenja Odluke o proširenju Općeg kolektivnog ugovora za teritoriju Federacije BiH;
5. Razmatranje inicijative za produženje primjene kolektivnih ugovora.

### **3.3. Ostali akti**

1. Izvještaj o radu ESV-a za 2015. godinu i realizacija zaključaka ESV-a;
2. Usvajanje Izvještaja o finansijskom poslovanju ESV-a za 2015. godinu i finansijski plan poslovanja ESV-a za 2016. godinu;
3. Razmatranje Pravilnika o izmjenama Pravilnika o primjeni Zakona o porezu na dohodak.

Također, ESV je usvajalo zapisnike sa sjednica, zaključke i dr.

## **4. Realizacija zaključaka donesenih na sjednicama Ekonomsko-socijalnog vijeća u 2016. godini**

6.(107) sjednica Ekonomsko-socijalnog vijeća za teritoriju Federacije Bosne i Hercegovine, održana dana 15.01.2016. godine u 13 sati i nastavak 6.(107) sjednice Ekonomsko-socijalnog vijeća za teritoriju Federacije Bosne i Hercegovine, održane dana 02.02.2016.godine u 17,30 sati.

Dnevni red:

1. Usvajanje zapisnika sa redovne 5(106) sjednice ESV-a;
2. Prednacrt Zakona o penzijskom i invalidskom osiguranju (sa posebnim osvrtom na osnove za izračun penzija i međuzavisnost drugih zakona na navedeni Zakon)
3. Prednacrt zakona o preuzimanju finansiranja neizmirenih doprinosa za penzijsko i invalidsko osiguranje za osiguranike zaposlene u privrednim društvima sa većinskim državnim kapitalom, javnim preduzećima i ustanovama u Federaciji BiH u periodu 01.04.1992. – 31.12.2014 godine;

#### 4. Razno.

Zaključak:

Ad. 2.

Ekonomsko socijalno vijeće razmotrilo je Prednacrt zakona o penzijskom i invalidskom osiguranju i predlaže da ga Vlada Federacije BiH usvoji u formi Nacrta. Nacrt Zakona treba ponovo dostaviti ESV-u na razmatranje.

Ekonomsko socijalno vijeće poziva socijalne partnere da u toku javne rasprave o Zakonu uzmu aktivno učešće i svojim sugestijama doprinesu konačnoj formi Zakona.

Tačka 3 razmatrana je na narednoj sjednici ESV-a, koja je zakazana za 10.02.2016. godine.

I vanredna sjednice Ekonomsko-socijalnog vijeća za teritoriju Federacije Bosne i Hercegovine, održana dana 02.02.2016.godine u 17.30 sati.

Dnevni red:

1. Informacije vezane za Opći kolektivni ugovor.

Zaključak:

Ekonomsko socijalno vijeće traži:

Da resorno ministarstvo Udruženju poslodavaca FBiH donese Rješenje o njihovoj reprezentativnosti;

Da se primjena Općeg kolektivnog ugovora, u skladu sa Zakonom o radu, proširi na sve zaposlene u Federaciji BiH;

Da se ubrzaju pregovori i potpisivanje granskih kolektivnih ugovora.

**Realizacija zaključka:**

- Federalno ministarstvo rada i socijalne politike donijelo je rješenje o reprezentativnosti za Udruženje poslodavaca FBiH UPI 03-34/13 -37/15 od 08.06.2016. godine;
- Kako je Općim kolektivnim ugovorom za teritoriju Federacije Bosne i Hercegovine utvrđen minimum prava iz radnog odnosa, a između ostalog i najniža satnica i najniža plaća, kao i povećanje plaće, Federalno ministarstvo rada i socijalne politike smatralo je opravdanim je donošenje Odluke o proširenju primjene ovog ugovora na sve poslodavce na teritoriji Federacije Bosne i Hercegovine, dakle i na one poslodavce koji nisu članovi Udruženja poslodavaca Federacije Bosne i Hercegovine, a radi ostvarivanja ekonomske i socijalne politike u Federaciji Bosne i Hercegovine, odnosno radi stvaranja jednakih uvjeta rada za sve radnike u Federaciji Bosne i Hercegovine, u pogledu prava propisanih Općim kolektivnim

ugovorom za teritoriju Federacije Bosne i Hercegovine. S tim u vezi, ovo Ministarstvo je sačinilo tekst Odluke o proširenju primjene Općeg kolektivnog ugovora za teritoriju Federacije Bosne i Hercegovine, te u skladu sa članom 27. Poslovnika o radu Vlade Federacije Bosne i Hercegovine istu dostavilo Federalnom ministarstvu finansija, Federalnom ministarstvu pravde i Uredu Vlade Federacije Bosne i Hercegovine za zakonodavstvo i usklađenost sa propisima Europske unije, radi davanja mišljenja. Po pitanju navedenog, Ured Vlade Federacije Bosne i Hercegovine za zakonodavstvo i usklađenost sa propisima Europske unije dostavio je određene sugestije na navedenu Odluku koje su uvažene. Federalno ministarstvo pravde nije imalo primjedbi niti sugestija na predmetnu Odluku, međutim Federalno ministarstvo finansija je dalo negativno mišljenje na Odluku. Zbog navedenog Federalno ministarstvo rada i socijalne politike nije bilo u mogućnosti da postupi u skladu sa članom 143. Zakona o radu tj. da okonča postupak donošenja Odluke o proširenju primjene Općeg kolektivnog ugovora za teritoriju Federacije Bosne i Hercegovine, te se vrše dodatne analize fiskalnog uticaja navedene odluke u Federaciji BiH.

- Stupanjem na snagu Zakona o radu stvorena je obaveza da se važeći kolektivni ugovori moraju uskladiti sa zakonom u zakonom u propisanom roku od 120 dana od dana stupanja na snagu tog zakona. Vlada Federacije Bosne i Hercegovine pristupila je pripremama za vođenje pregovora oko usklađivanja granskih kolektivnih ugovora u onim područjima djelatnosti, odnosno za ona javna preduzeća i privredna društva gdje Vlada Federacije Bosne i Hercegovine ima ulogu pregovarača na strani poslodavca, a u skladu sa potpisanim Općim kolektivnim ugovorom za teritoriju Federacije Bosne i Hercegovine. Ostvarena je saradnja sa kantonalnim vlastima, te ostvareni kontakti sa Savezom samostalnih sindikata BiH i Udruženjem poslodavaca u Federaciji BiH, radi formiranja ovlaštenih pregovaračkih timova u procesu usklađivanja granskih kolektivnih ugovora. Novim Zakonom o radu stvoren je potreban pravni okvir za odvijanje procesa kolektivnog pregovaranja i unaprijeđivanja procesa dobrovoljnosti u kolektivnom pregovaranju, s obzirom da je istim uređen postupak kolektivnog pregovaranja, vrste kolektivnih ugovora, postupak kolektivnog pregovaranja, forma i trajanja kolektivnih ugovora, sadržaj kolektivnog ugovora, obaveznost i proširenje primjene kolektivnog ugovora, te ono što je možda i najvažnije, strane u kolektivnom pregovaranju. Zakon o radu je propisao da opće, granske ili pojedinačne ugovore o radu mogu zaključiti samo reprezentativna udruženja poslodavaca.

7.(108) sjednica Ekonomsko-socijalnog vijeća za teritoriju Federacije Bosne i Hercegovine, održane dana 10.02.2016.godine u 13,30 sati.

Dnevni red:

1. Usvajanje zapisnika sa redovne 6(107) i vanredne sjednice ESV-a;
2. Razmatranje Općeg kolektivnog ugovora (parafiranje);
3. Prednacrt zakona o preuzimanju finansiranja neizmirenih doprinosa za penzijsko i invalidsko osiguranje za osiguranike zaposlene u privrednim društvima sa većinskim državnim kapitalom, javnim preduzećima i ustanovama u Federaciji BiH u periodu 01.04.1992. – 31.12.2014 godine;

#### 4. Razno.

Zaključak:

Ad. 2.

Ekonomsko socijalno vijeće predlaže Vladi Federacije BiH i resornom ministarstvu da shodno Zakonu o radu proširi primjenu Općeg kolektivnog ugovora na sve zaposlene; Ekonomsko socijalno vijeće sugerira da predstavnici Poslodavaca i Sindikata počnu pregovore oko Granskih kolektivnih ugovora i završe ih do dogovorenog roka, tj. 20.03.2016.godine

#### **Realizacija zaključka Ad.2.**

Udruženje poslodavaca Federacije Bosne i Hercegovine, na strani poslodavaca Federacije Bosne i Hercegovine i Savez samostalnih sindikata Bosne i Hercegovine, na strani radnika Federacije Bosne i Hercegovine, su 10.02.2016. godine, zaključili Opći kolektivni ugovor za teritoriju Federacije Bosne i Hercegovine, te je isti objavljen u "Službenim novinama Federacije BiH", broj: 48/16 od 22.06.2016. godine, a stupio je na snagu narednog dana od dana objavljivanja, dakle 23.06.2016. godine.

8.(109) sjednice Ekonomsko-socijalnog vijeća za teritoriju Federacije Bosne i Hercegovine, održane dana 02.03.2016.godine u 15,00 sati.

Dnevni red:

1. Usvajanje zapisnika sa redovne 7(108) sjednice ESV-a;
2. Prednacrt zakona o preuzimanju finansiranja neizmirenih doprinosa za penzijsko i invalidsko osiguranje za osiguranike zaposlene u privrednim društvima sa većinskim državnim kapitalom, javnim preduzećima i ustanovama u Federaciji BiH u periodu 01.04.1992. – 31.12.2014 godine;
3. Nacrt zakona o sigurnosti i zdravlju na radu;
4. Izvještaj o radu ESV-a za 2015. godinu i realizacija zaključaka ESV-a;
5. Usvajanje Izvještaja o finansijskom poslovanju ESV-a za 2015. godinu i finansijski plan poslovanja ESV-a za 2016. godinu;
6. Razno.

Zaključak:

Ad.2

Ekonomsko socijalno vijeće predlaže da socijalni partneri u naredna dva dana dostave Federalnom ministarstvu rada i socijalne politike prijedloge osoba za direktno pregovaranje do usuglašavanja teksta Zakona o preuzimanju finansiranja neizmirenih doprinosa za penzijsko i invalidsko osiguranje za osiguranike zaposlene u privrednim društvima sa većinskim državnim kapitalom, javnim preduzećima i ustanovama u

Federaciji BiH u periodu 01.04.1992. – 31.12.2014 godine. Ministarstvo treba da preuzme obavezu sazivanja radnog sastanka.

Radno tijelo bi trebalo napraviti novu verziju Zakona koja bi najprije bila dostavljena na Ekonomsko socijalno vijeće na raspravu, a nakon toga u parlamentarnu proceduru.

#### Ad.3

Predstavnici Poslodavaca i Sindikata dogovorili su se da se sljedeći sastanak vezan za finaliziranje teksta Nacrta zakona o sigurnosti i zdravlju na radu, u organizaciji Sindikata, održi 09. marta 2016. godine u 9 sati u prostorijama Udruženja poslodavaca.

#### Ad.4 i 5

Izveštaj o radu Ekonomsko socijalnog vijeća i Izveštaj o finansijskom poslovanju ESV-a za 2015. godinu i finansijski plan poslovanja ESV-a za 2016. godinu su usvojeni.

#### **Realizacija zaključka Ad.3.**

Federalnom ministarstvu rada i socijalne politike su dana 21.03.2016. godine, dostavljene usaglašene primjedbe socijalnih partnera na tekst Nacrta Zakona, koje su uglavnom prihvaćene i ugrađene u tekst ovog zakona. Nacrt ovog zakona je razmatran na sjednici Predstavničkog doma Parlamenta Federacije Bosne i Hercegovine održanoj dana 14.12.2016. godine, koji je zaključkom prihvatio Nacrt Zakona o sigurnosti i zaštiti na radu kao osnovu za izradu Prijedloga. Također, Nacrt ovog zakona razmatran je i na sjednici Doma naroda Parlamenta Federacije Bosne i Hercegovine održanoj 02.02.2017. godine, te je i od ovog Doma prihvaćen kao osnova za izradu Prijedloga.

U skladu sa Programom rada Federalnog ministarstva rada i socijalne politike, odnosno Vlade Federacije Bosne i Hercegovine za 2017. godinu, u narednom periodu će biti preduzete aktivnosti na izradi Prijedloga ovog zakona i njegovog upućivanja u parlamentarnu proceduru radi konačnog usvajanja.

9.(110) sjednica Ekonomsko-socijalnog vijeća za teritoriju Federacije Bosne i Hercegovine, održane dana 09.03.2016.godine u 14,00 sati.

Dnevni red:

1. Usvajanje zapisnika sa redovne 8(109) sjednice ESV-a;
2. Nacrt zakona o izmjenama i dopunama Zakona o upravljanju otpadom;
3. Razno.

Zaključak:

#### Ad.2

Ekonomsko socijalno vijeća nakon razmatranja Nacrta zakona o izmjenama i dopunama Zakona o upravljanju otpadom predlaže Vladi Federacije BiH da Nacrt zakona, sa

iznesenim sugestijama socijalnih partnera, uzme u razmatranje, eventualno izmijeni i prosljedi u parlamentarnu proceduru.

### **Realizacija zaključka Ad.2.**

Zakon o izmjenama i dopunama Zakona o upravljanju otpadom usvojen je u nacrtu na oba doma Parlamenta Federacije BiH i uskoro će biti upućen Vladi Federacije BiH radi usvajanja prijedloga Zakona i dalje procedure usvajanja u Parlamentu Federacije BiH.

10.(111) sjednica Ekonomsko-socijalnog vijeća za teritoriju Federacije Bosne i Hercegovine, održane dana 16.03.2016.godine u 14,00 sati.

Dnevni red:

1. Usvajanje zapisnika sa 9.(110) sjednice ESV-a;
2. Prednacrt zakona o šumama;
3. Razno.

Zaključak:

Ad.2

Ekonomsko socijalno vijeća je, nakon razmatranja Prednacrt zakona o šumama, podržalo potrebu za donošenje zakona.

Ekonomsko socijalno vijeće podržava prijedlog za održavanje sastanka socijalnih partnera sa resornim ministarstvom na kojem bi participirali i predstavnici šumske industrije.

Ekonomsko socijalno vijeće će raspravljati o Nacrtu Zakona o šumama nakon što on bude utvrđen na Parlamentu Federacije BiH.

### **Realizacija zaključka Ad.2**

Vlada Federacije BiH na 55. sjednici održanoj 27.05.2016. godine, nakon razmatranja Prednacrt zakona o šumama izrađenog od strane Federalnog ministarstva poljoprivrede, vodoprivrede i šumarstva, utvrdila je i u parlamentarnu proceduru uputila Nacrt zakona o šumama.

Nacrt zakona o šumama je prihvaćen od strane Parlamenta Federacije BiH, od Predstavničkog doma na 12. redovnoj sjednici, održanoj 13.07.2016. godine i od strane Doma naroda u nastavku 15. redovne sjednice održane 15.12.2016. godine.

Parlament Federacije BiH je zadužio predlagača da u roku od 90 dana provede javnu raspravu i da izradi Prijedlog Zakona o šumama.

Federalno ministarstvo poljoprivrede, vodoprivrede i šumarstva je uputilo poziv zainteresiranim stranama da svoje primjedbe, prijedloge i sugestije u cilju izrade Prijedloga Zakona o šumama dostave na adresu resornog ministarstva, najkasnije do 20.01.2017. godine.



11.(112) sjednica Ekonomsko-socijalnog vijeća za teritoriju Federacije Bosne i Hercegovine, održane dana 27.04.2016.godine u 14 sati.

Dnevni red:

1. Usvajanje zapisnika sa redovne 10 (111) sjednice ESV-a;
2. Prednacrt Zakona o preuzimanju finansiranja neizmirenih doprinosa za penzijsko i invalidsko osiguranje za osiguranike zaposlene u privrednim društvima sa većinskim državnim kapitalom, javnim preduzećima i ustanovama u Federaciji BiH u periodu 01.04.1992. – 31.12.2014 godine;
3. Razno.

Zaključak:

Ad.2

Ekonomsko socijalno vijeće je nakon razmatranja Prednacrt zakona o preuzimanju finansiranja neizmirenih doprinosa za penzijsko i invalidsko osiguranje zaključilo da će o istom Zakonu, sa pripremljenom simulacijom, raspravljati na narednoj sjednici Ekonomsko socijalnog vijeća.

12.(113) sjednica Ekonomsko-socijalnog vijeća za teritoriju Federacije Bosne i Hercegovine, održane dana 10.05.2016. godine u 14 sati.

Dnevni red:

1. Usvajanje zapisnika sa 11-112 sjednice ESV-a;
2. Razmatranje Prednacrt Zakona o preuzimanju finansiranja neizmirenih doprinosa za penzijsko i invalidsko osiguranje sa pripremljenom simulacijom;
3. Razmatranje dinamike pregovora i potpisivanja granskih kolektivnih ugovora
4. Razno

Zaključak:

Ad.2

Ekonomsko socijalno vijeće nakon razmatranja Prednacrt Zakona o preuzimanju finansiranja neizmirenih doprinosa za penzijsko invalidsko osiguranje predlaže Vladi Federacije BiH da razmotri Prednacrt zakona i primjedbe na isti, posebno na član 14 (stav 3), te da ga u formi Nacrta uputi u javnu raspravu i dalju parlamentarnu proceduru.

Ad.3

Ekonomsko socijalno vijeće razmotrilo je problem granskih kolektivnih ugovora i predlaže da predstavnici socijalnih partnera dogovore sastanak radi rješavanja pitanja

vezanih za pregovaranje, dinamiku i potpisivanje granskih kolektivnih ugovora, kao i razmatranja problema reprezentativnosti.

Zadužuje se Federalno ministarstvo rada i socijalne politike da organizuje sastanak u narednih deset dana.

Stupanjem na snagu Zakona o radu u aprilu 2016. godine, stvorena je obaveza usklađivanja postojećih kolektivnih ugovora sa ovim zakonom u roku od sedam mjeseci od njegovog stupanja na snagu. S tim u vezi, u skladu sa zakonom je prestala primjena kolektivnih ugovora koji nisu usklađeni u tom roku. Prema evidenciji kolektivnih ugovora koja se kod Federalnog ministarstva rada i socijalne politike vodi u skladu sa Pravilnikom o postupku dostavljanja i vođenju evidencije kolektivnih ugovora ("Službene novine Federacije BiH", broj: 76/16), zaključeni su sljedeći kolektivni ugovori za teritoriju Federacije Bosne i Hercegovine:

1. Opći kolektivni ugovor za teritoriju Federacije Bosne i Hercegovine ("Službene novine Federacije BiH", br. 48/16 i 62/16),
2. Kolektivni ugovor o pravima i obavezama poslodavaca i radnika u oblasti šumarstva ("službene novine Federacije BiH", broj: 93/16),
3. Kolektivni ugovor o pravima i obavezama poslodavaca i radnika u oblasti rudarstva u Federaciji BiH ("Službene novine Federacije BiH", broj: 72/16),
4. Kolektivni ugovor o pravima i obavezama poslodavaca i radnika u oblasti prometa za teritoriju Federacije BiH ("Službene novine Federacije BiH", broj: 78/16),
5. Kolektivni ugovor o pravima i obavezama poslodavaca i radnika za djelatnost proizvodnje i prerade metala u Federaciji Bosne i Hercegovine ("Službene novine Federacije BiH", broj: 78/16),
6. Okvirni kolektivni ugovor o pravima i obavezama poslodavaca i radnika u oblasti komunalne privrede za teritorij Federacije BiH ("Službene novine Federacije BiH", broj: 79/16),
7. Kolektivni ugovor za područje djelatnosti poštanskog prometa ("Službene novine Federacije BiH", broj: 89/16),
8. Kolektivni ugovor za službenike organa uprave i sudke vlasti u Federaciji BiH ("Službene novine Federacije BiH", br. 23/00, 50/00, 97/13 i 89/16).

II vanredna sjednica Ekonomsko-socijalnog vijeća za teritoriju Federacije Bosne i Hercegovine, održana je dana 18.07.2016.godine u 15 sati.

Dnevni red:

1. Dogovor oko donošenja Odluke o proširenju Općeg kolektivnog ugovora za teritoriju Federacije BiH;
2. Razmatranje Pravilnika o izmjenama Pravilnika o primjeni Zakona o porezu na dohodak;
3. Razno.

Zaključak:

#### Ad.1

Ekonomsko socijalno vijeće predlaže da predstavnici Poslodavaca i Sindikata, u što kraćem roku, izmjene preambulu Općeg kolektivnog ugovora za teritorij Federacije BiH („Službene novine FBiH“, broj: 48/16) u skladu sa važećim Zakonom o radu („Službene novine FBiH“, broj: 26/16) i dostave ga Vladi Federacije BiH, radi objavljivanja u „Službenim novinama Federacije BiH“.

Ekonomsko socijalno vijeće predlaže Federalnom ministarstvu rada i socijalne politike i Vladi Federacije BiH da hitno donese i objavi Odluku o proširenju primjene Općeg kolektivnog ugovora za teritorij Federacije BiH.

#### Ad.2

Ekonomsko socijalno vijeće predlaže Federalnom ministarstvu financija da odgodi primjenu Pravilnika o izmjenama Pravilnika o primjeni Zakona o porezu na dohodak do izmjene preambule Općeg kolektivnog ugovora za teritorij Federacije BiH i Odluke o proširenju njegove primjene.

#### **Realizacija zaključka Ad.1.**

Udruženje poslodavaca Federacije Bosne i Hercegovine, na strani poslodavaca Federacije Bosne i Hercegovine i Savez samostalnih sindikata Bosne i Hercegovine, na strani radnika Federacije Bosne i Hercegovine, su 27.07.2016. godine, zaključili Opći kolektivni ugovor o izmjenama Općeg kolektivnog ugovora za teritoriju Federacije Bosne i Hercegovine, a isti je objavljen u “Službenim novinama Federacije BiH”, broj: 62/16 od 10.08.2016. godine, a stupio je na snagu narednog dana od dana objavljivanja, dakle 11.08.2016. godine.

Zbog navedenog Federalno ministarstvo rada i socijalne politike nije bilo u mogućnosti da postupi u skladu sa članom 143. Zakona o radu tj. da okonča postupak donošenja Odluke o proširenju primjene Općeg kolektivnog ugovora za teritoriju Federacije Bosne i Hercegovine, te se vrše dodatne analize fiskalnog uticaja navedene odluke u Federaciji BiH.

III vanredna sjednica Ekonomsko-socijalnog vijeća za teritoriju Federacije Bosne i Hercegovine, održana dana 28.07.2016.godine u 9 sati.

Dnevni red:

1. Razmatranje inicijative za produženje primjene kolektivnih ugovora
2. Razno

Zaključak:

#### Ad.1

Ekonomsko socijalno vijeće razmotrilo je inicijativu o produženju kolektivnog ugovora i suglasni su da se isti produži za 90 dana.

Predstavnici Vlade i Sindikata podržali su ovakav zaključak, dok su predstavnici Poslodavaca bili suzdržani.

### **Realizacija zaključka Ad.1.**

Vlada Federacije BiH je na sjednici održanoj 28.07.2016. godine, donijela Odluku o produženju primjene kolektivnih ugovora V.broj 1558/2016 od 28.07.2016. godine.

IV vanredna sjednica Ekonomsko-socijalnog vijeća za teritoriju Federacije Bosne i Hercegovine, održana je dana 09.09.2016. godine u 15 sati.

Dnevni red:

1. Izmjene i dopune Zakona o porezu na dohodak
2. Izmjene i dopune Zakona o doprinosima
3. Razno

Zaključak:

Ad.1,2

Prijedlog zaključaka ispred predstavnika Poslodavaca je sljedeći:

Vrijeme za donošenje Izmjene i dopune Zakona o porezu na dohodak i Izmjene i dopune Zakona o doprinosima da bude u roku od 30-45 dana;

Primjena pravilnika o primjeni Zakona o porezu na dohodak treba da bude dio paketa koji bi bio primjenjiv od 01.01.2017.godine;

U komisiju za izradu zakona Federalnog ministarstva financija treba uključiti predstavnike Poslodavaca i Sindikata.

V naredna sjednica Ekonomsko-socijalnog vijeća za teritoriju Federacije Bosne i Hercegovine, održana dana 08.11.2016.godine u 14 sati.

Dnevni red:

1. Radna verzija teksta Zakona o porezu na dohodak
2. Radna verzija teksta Zakona o doprinosima
3. Razno.

Predstavnici Poslodavaca obavijestili su socijalne partnere da Udruženje Poslodavaca ne podržavaju zakone u ovoj formi, ali su spremni za razgovore i promjene ako se na njih daju prihvatljiva obrazloženja.

13.(114) sjednica Ekonomsko-socijalnog vijeća za teritoriju Federacije Bosne i Hercegovine, održane dana 11.10.2016. godine u 15 sati.

Dnevni red:

1. Usvajanje zapisnika sa redovne 11.(112) i 12.(113) sjednice i II, III, IV vanredne sjednice ESV-a;
2. Prednacrt Zakona o stečaju;
3. Nacrt Zakona o penzijskom i invalidskom osiguranju;
4. Razno.

Zaključak:

Ad.2

Ekonomsko socijalno vijeće podržava donošenje Zakona o stečaju i predlaže resornom ministarstvu da razmotri primjedbe i prijedloge sa sjednice i eventualno ih unese u Zakon;

Ekonomsko socijalno vijeće će tražiti da Zakon ide u javnu raspravu;

Kad se utvrdi Nacrt zakona, ponovo će se razmatrati na ESV-u;

U radnu grupu za donošenje Zakona uključiti i predstavnike Sindikata.

### **Realizacija zaključka Ad.2.**

Zaključkom Predstavničkog doma Parlamenta Federacije BiH, donesenim na 13. redovnoj sjednici Predstavničkog doma Parlamenta Federacije BiH, održanoj dana 13.12.2016. godine i Zaključkom Doma naroda Parlamenta Federacije BiH, donesenim na 12. vanrednoj sjednici Doma naroda Parlamenta Federacije BiH, održanoj dana 29.12.2016. godine, utvrđeno je da Nacrt zakona o stečaju može poslužiti kao osnova za izradu prijedloga Zakona i zadužen je predlagač da organizira javnu raspravu, u trajanju od 45 dana.

Shodno navedenom, postupajući po nalogu Parlamenta Federacije BiH, otvara se faza javne rasprave u kojoj će moći učestvovati svi zainteresirani subjekti. Prva faza javne rasprave podrazumijeva prikupljanje primjedbi, sugestija i prijedloga u pismenoj formi nakon objavljivanja poziva za javnu raspravu i teksta zakona na web stranici ministarstva, a druga faza javne rasprave predstavlja usmenu javnu raspravu, o kojoj će svi zainteresirani subjekti biti blagovremeno obaviješteni pismenim putem i putem web stranice ministarstva.

Sve primjedbe, sugestije i prijedlozi, koje su pristigli na tekst Nacrta zakona, kao i oni koji budu izneseni tokom javne rasprave, uzet će se u razmatranje prilikom izrade Prijedloga zakona.

Ad.3

Ekonomsko socijalno vijeće suglasno je da se usvoji Prijedlog zakona o penzijskom i invalidskom osiguranju.

Kako je za amandmane na Prijedlog zakona potreban angažman parlamentaraca, socijalni parteri treba, radi prijedloga amandmana, da lobiraju u Parlamentu FBiH.

14.(115) sjednica Ekonomsko-socijalnog vijeća za teritoriju Federacije Bosne i Hercegovine, održana dana 07.12.2016.godine u 15 sati.

Dnevni red:

1. Usvajanje zapisnika sa redovne 13.(114) i V vanredne sjednice ESV-a;
2. Nacrt Zakona o izmjenama i dopunama Zakona o radu;
3. Prednacrt Zakona o štrajku;
4. Razno.

Zaključak:

Ad.2

Nakon rasprave socijalni partneri su suglasni da se formira radna grupa (pregovaračko tijelo ESV-a) od dva predstavnika Vlade, dva predstavnika Poslodavca i dva predstavnika Sindikata, koje će razmotriti Nacrt Zakona o izmjenama i dopunama Zakona o radu i usaglasiti primjedbe i sugestije. Za koordinatora grupe određuje se resorni ministar, a imena članova potrebno je dostaviti sutra dan.

Ad.3

Ekonomsko socijalno vijeće podržava donošenje Zakona o štrajku. Ekonomsko socijalno vijeće od Federalnog ministarstva rada i socijalne politike traži da još jednom razmotri sporna pitanja koja su iznijeli predstavnici Poslodavaca i Sindikata. Ekonomsko socijalno vijeće će se u fazi javne rasprave ponovo uključiti u proces donošenja Zakona o štrajku.

#### **Realizacija zaključka Ad.2.**

U periodu od 14. i 15.12.2016. godine, u organizaciji Federalnog ministarstva rada i socijalne politike, održani sastanci na kojem su učestvovali predstavnici ovog Ministarstva, Vlade Federacije Bosne i Hercegovine, Udruženja poslodavaca u Federaciji BiH i Saveza samostalnih sindikata Bosne i Hercegovine. Na pomenutim sastancima su predložene izmjene i dopune Zakona o radu usaglašene na zadovoljstvo svih socijalnih partnera, te da su sastanci na kojima su iste razmatrane pokazali visok stepen djelotvornog socijalnog dijaloga, među socijalnim partnerima i predstavnikama Vlade FBiH, što predstavlja model za daljnji rad, koji će se zasnivati na međusobnom uvažavanju svih učesnika uključenih u socijalni dijalog.

#### **Realizacija zaključka Ad.3.**

Nacrt ovog zakona je razmatran na sjednici Predstavničkog doma Parlamenta Federacije Bosne i Hercegovine održanoj dana 25.01.2017. godine, koji je zaključkom prihvatio Nacrt Zakona o štrajku kao osnovu za izradu Prijedloga. Trenutno se čeka razmatranje Nacrta ovog zakona na Domu naroda Parlamenta Federacije Bosne i Hercegovine, nakon čega će biti preduzete aktivnosti na izradi Prijedloga ovog zakona i njegovog upućivanja u parlamentarnu proceduru radi konačnog usvajanja.

Nastavka 14.(115) sjednice Ekonomsko-socijalnog vijeća za teritoriju Federacije Bosne i Hercegovine, održane dana 19.12.2016.godine u 15 sati.

Dnevni red:

1. Usvajanje zapisnika sa redovne 14.(115) sjednice ESV-a;
2. Nacrt Zakona o izmjenama i dopunama Zakona o radu;
3. Razno.

Zaključak:

Ad.2

Ekonomsko-socijalno vijeće prihvata usaglašeni prijedlog Vlade Federacije BiH i socijalnih partnera na Nacrt Zakona o izmjenama i dopunama Zakona o radu, uključujući i amandman Vlade Federacije BiH na poglavlje II Zaključivanje ugovora o radu kojim je dodat novi čl. 20.a., kao i kompromisno rješenje socijalnih partnera u vezi čl. 4. i 7. Nacrta Zakona o izmjenama i dopunama Zakona o radu.

Ekonomsko-socijalno vijeće je saglasno da Nacrt Zakona o izmjenama i dopunama Zakona o radu treba uputiti u hitnu parlamentarnu proceduru.

**Realizacija Zaključka Ad.2.**

Vlada Federacije Bosne i Hercegovine je na sjednici održanoj 03.02.2017. godine, utvrdila Prijedlog Zakona o izmjenama i dopunama Zakona o radu, te isti uputila u daljnju parlamentarnu proceduru po skraćenom postupku.